

INUIT ATAQATIGIIT

INATSISARTUNI



UKA2016/103

15. november 2016
Hans Aronsen

Nunatsinni uumasut allallu killilimmik piniagaasut piniartortavut suleqatigalugit takornarissanut akuersissutilimmik piniaqateqarsinnaangornissaat anguniarlugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Iddimanngiit Bianco, Inuit Ataqatigiit)

Nunatta pissuussutaanik uumassusilinnik atorluaaneq ullunut killiffigisatsinnut naleqqussarnertalimmi ingerlattuarnissaa maani inersuarmi ingerlattuangassaraarput. Soorlumi siulersuatta piniakkanut angisuunut ikioqatigiilluni piniaqatigiittarnerat ileqkoq pitsaasoq pisimasoq.

Ullumikkut piniartut namminersorlutik inuussutissarsiuteqarput, tamaattumittaaj inuussutissarsiutillit tamakkiisumik sutigut tamatigut pissarsissutaalluarnissaatthaq pingaartilluinnartariaqarpoq. Ullumikkummi atortussat tamaannarmik akeqanngitsumik pineqarsinnaanngillat, piniariarlunimi sakkut ingerlatit qamutaagunik umiatsiaagunik tamaannarmik aningaasanik naleqaramik. Taamaattumik siunnersummut matumanisut ittumut tamaavitta isumaqatigiissinnaavugut.

Siunnersuut isumassarsiatsialaavoq taamaattumik iluaqutaasunik ajornartorsiutaasinnaasunillu tamanik oqalliffiusariaqartutut Inuit Ataqatigiinniik isingaarpuit.

Pitsaaqutaasinnasut:

Piniartumut annertuumik ineriertuutaasussaavoq, niivernikkut, allamiut oqaasiinut, attaveqatigiinnikkut, takornariaqarnikkut suliaqarnerorusulernernik allarpassuarnillu.

Minnerunngitsumik piniartup piniariartup pisagaannarnerminiik pissarsissutiginerusussaangaa qularnanngilaq. Piniakkammi killilersukkat piniartarneri amerlanertigut piffissartornarlutik aammalu Pitornagaatsiarnerusarmata (ningaasanik naleqartartunik atuinrarnerusarlutik), tamakkulu immini matussuserneqarsinnaanerulissasut Inuit Ataqatigiiniik ilimagilluinnaratsigit.

Pitsaaqutaasinaasunillu eqqartungaqrarluarsinnaangaluarluta...

Misissorneqarsinaasutut soqtigisat:

Manna oqallisissiaq oqallisigiinnartariaqanngikkaluarpoq, piaarluinnartumimmi piviusunngorsinnaanersoq misissoqqissaartariaqaraluarriputtaaq isumaqarpunga, manna

piviusunngortinneqartussanngorpat pingartinneqarluinnartoq manna eqqaamaqqussavara.
Piniariaatsitsinni aamma uumasunik atuinitssinni kuluturip iluani pingaartitatta
isumassortuarnissaat.

Nannut, Aarfit, allallu avataani sunnersimaneqarnitta kingunerisaanik sakkortuumik
killilersukkat qanoq atorluarsinnaavagut? Ullumikkummi nannut amii niaquisa saarni, aarfit
tugaavi allallu inuussutissarsiutilinnit iluanaarutiginiarneri tunineqarsinnaananatik
killilerujussuupput. Tamannalu imaaliinnarlugu qaangeruminaaqisut Inuit Ataqatigiinniik
ilisimavarput.

Nunatta iluani takornariaq piniariartinngikkaluarlugu misigisassarsiutitut peqatingalugu
nannunnissaq ajornarunnaarsinnissaa annertuuliutissaanngitsutut isingaarpus,
unammilligassallu annersaa tassaassaaq ammimik niaqqumik tuugaamilluunniit allamilluunniit
pigisaqalersoq (Takornariaq) nunaminut eqqusseqqusaanngitsup qanoq naammaginartumik
pissarsiaqarluni nunatsinniik aallarnissaa. Immaqa Assit allangartallu aamma
tupallersaatigineqarsinnaapput, taamaattorli takornariarlutik piniartut pisamik ilisarnaataasa
arlaannik nassarlutik angerlartarnerat naliginnaaqaaq kissaataanerullunilu.

Piniartut naleqassusiat illersorneqartariaqarpoq aqqtissiuunneqartariaqarlunilu.